



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De puer opilione, cui sanctus Nicolaus mortem suam praedixit, cap. 75.

urn:nbn:de:hbz:466:1-13177

autem in habitu pontificali, & in claritate magna, dixitque ad sanctum Paternianum beatus Nicolaus: Vis ut tollamus puerum nobiscum? Respondit ille: Nō, quia in alio ordine morietur, sicque disparuerūt. Eadem hora puer conualescens surrexit, & magistro eius, qui præsens fuerat tunc temporis, miraculum diuulgante in ecclesia est compulsatum, & ad honorem tantorum pontificum, Te Deum laudamus decentatum. Hæc mihi ab eodem Adam nuper relata sunt.

CAPVT LXXV.

IN villa quæ Leiglinge vocatur, & circa duo milia-
ria distat a Colonia, ante hoc septennium conti-
git, quod dicturus sum. Puer quidam simplex, cu-
iusdam matronæ illic pecora pauit, hic beatum Ni-
colaum in tātum diligebat, ut singulis diebus medi-
tatem panis sui in honore illius pauperibus erogaret.
Orationibus etiam assiduis misericordiam eius inter-
pellabat: cuius deuotis obsequijs beatus pontifex
delectatus, die quadam ei in agro apparens, in for-
ma & habitu venerandi senis, ait: Puer bone, mina
gregem domum: cui cùm ille responderet: Domine
adhuc nimis est manè, si hoc facerem domina mea
increpareret me, subjunxit sanctus: Fac quod dixi, quia
hodie ante solis occubitu morieris. Ad quod puer ter-
ritus, cùm interrogaret eum, Domine quis es? respondit
ille: Ego sum Nicolaus Episcopus, quæ semper exoras,
& cui prandiola tua diuidere consueisti, modò veni,
remunerare te: vade ergo ad hospitium tuum, accipe
corpus Domini, & præpara te, quia hodie, ut dixi, mo-
rieris; sicque disparuit: cumque puer cum ouibus
reuersus fuisset, & Domina eius interrogasset, qua-
re tam manè venisset, respondit: Necesitas com-
pulit me, quia ante noctem moriturus sum. Et illa:
Deliras, reduc ergo gregem ad pastum, quia non mo-
rieris. Qui statim in lectum suum se reclinans, cùm
facerdotem petiuisset, & ille venisset, ait ei matrona: Ti-
meo puerum istū aliquid fantasie vidisse, inuestigate
ab eo diligenter quid viderit, quid habeat, vel quare

Kk 5

talia

322 DE DIVERSIS VISIONIBVS

talia loquatur. Quod cùm fecisset sacerdos, puer ei visionem per ordinem recitauit: de cuius manibus cù communicasset, hora prædicta expirauit; Ecce in his duobus pueris cognoscere poteris pietatem sancti Nicolai pontificis; scholarem consilio sancti Paterniani distulit spe vitæ melioris; Pastorem hunc fidelem secum duxit ad pascua æternæ viriditatis. APOLLONIVS: Quia sanctus Nicolaus crebrius alijs pontificibus in ecclesijs, tam in scripturis quam in picturis representatur, vellem, si esse posset, aliquam videre imaginem faciei illius simillimam, per quam memoria eius menti meæ tenaciùs imprimetur. CÆSARIUS: Ostendam tibi quandam mirifici operis iconam, quæ ab eo, qui sanctum Nicolaum in carne vedit, fertur formata, & ad illius similitudinem depicta.

CAPV T LXXVI.

*S. Nico-
lai vers
effigies.*

** al. exs.
fa.*

IN Porceto monasterio, quod iuxta Aquisgrani situm est tabula cubitalis est, imaginem beati Pontificis Nicolai ab umbilico & sursum in se representans, quam beatus Gregorius regis Græciæ filius, & cœnobij eiusdem primus Abbas & fundator, illuc aduexit. Dicitur eadem fuisse icona, quam barbas, sicut in miraculis sancti Nicolai legitur, tulit, & ad custodiam sui telonei posuit, cuius occasione ad fidem conuersus est, cùm sua perdidisset, & cæsa imagine eadem receperisset. Plurimæ per eam virtutes factæ sunt, maximè in pregnantibus. Tempore quodam, cùm ad domum cuiusdam honestæ matronæ in partu laborantis fuisset deportata, & contra eam ad paricetum suspensa, ea hora qua partum edidit, ne parientem quasi attenderet, cunctis qui aderat intuentibus, tabula se vertit. Est autem eiusdem imaginis facies oblonga & * obesa, multæ grauitatis & reuerentiæ, & in fronte caluicies, capilli tam capitis, quam barbe, candidæ canicie. Nuper vero monachis cedentibus, sanctimoniales ordinis nostri cum tabula locum receperunt. APOLLONIVS: Satis me ædificat humilitas beati huius confessoris, quise supe-